





第七六七冊

四庫全書

●上海古籍出版社

本冊目次

證治準繩（二）

明王肯堂撰……………一

卷之六十一

欽定四庫全書

子部
證治準繩卷一

詳校官太醫院八品吏目臣黃發

編修臣倉聖脈覆勘

總校官進士臣朱鈴

校對官中書臣張曾效

膳錄監生臣徐汝雄

欽定四庫全書

子部五

證治準繩

醫家類

提要

臣等謹案證治準繩一百二十卷明王肯堂撰肯堂有尚書要旨已著錄是編據肯堂自序稱先撰證治準繩八冊專論雜證分十三門附以類方八冊皆成于丁酉戊戌間其書採摭繁富而參驗脈證辨別異同條理分明其

欽定四庫全書

證治準繩

一

有端委故博而不雜于寒溫攻補無所偏主視繆時雍之餘派虛實不問但談石膏之功張介賓之末流診候未施先定人參之見者亦為能得其平其諸傷門內附載傳尸勞諸蟲之形雖似涉乎語怪然觀北齊徐之才以死人枕療鬼痊則專門授受當有所傳未可藥疑以荒誕也其傷寒準繩八冊瘍醫準繩六冊則成于甲辰幼科準繩九冊女科準繩

五冊則成于丁未皆以補前書所未備故仍

以證治準繩為總名惟其方皆附各證之下

與雜證體例稍殊耳史稱肯堂好讀書尤精

于醫所著證治準繩該博精詳世競傳之其

所著鬱岡齋筆塵論方藥者十之三四蓋于

茲一藝用力至深宜其為醫家之圭臬矣據

自序所列其書當分四十四冊篇頁繁重循

覽未便今雖析其數定為一百二十卷乾隆

欽定四庫全書

證治準繩

四十六年九月恭校上

總纂官 臣 陸錫熊 臣 孫士毅

總校官 臣 陸 費 輝

原序

余髮始燥則聞長老道說范文正公未達時禱於神以

不得為良相願為良醫因歎古君子之存心濟物如此

其切也當是時頗蒙無所知顧讀岐黃家言輒心開意

解若有夙契者嘉靖丙寅母病陷危常潤名醫延致殆

徧言人人殊罕得要領心甚陋之於是銳志學醫既起

亡妹于垂死漸為人知延診求方戶屢恒滿先君以為

妨廢舉業常嚴戒之遂不復窮究無何舉于鄉又十年

欽定四庫全書

證治準繩

成進士選讀中秘書備員史館凡四年請急歸旋被口

語終已不振因伏自念受聖主作養厚恩見謂儲相材

雖萬萬不敢望文正公然其志不敢不立而其具不敢

不勉以庶幾無負父師之教而今已矣定省之餘頗多

暇日乃復取岐黃家言而肆力焉二親篤老善病即醫

非素習固將學之而況乎輕車熟路也於是聞見日益

廣而藝日益精鄉曲有抱沉痾醫技告窮者叩閣求方

亡弗立應未嘗敢萌厭心所全活者稍稍衆矣而又念

所濟僅止一方孰若著為書傳之天下萬世耶偶嘉善高生隱從余游因是採取古今方論參以鄙見而命高生次第錄之遂先成雜病論與方各八巨表高生請名余命之曰證治準繩高生曰何謂也余曰醫有五科七事曰脉曰因曰病曰證曰治為五科因復分為三曰內曰外曰亦內亦外并四科為七事如陰陽俱緊而脉浮也傷寒因也太陽病也頭痛發熱身痛惡寒無汗證也麻黃湯治也派析支分毫不容濫而時師皆失之不死

欽定四庫全書

證治準繩
原序

者幸而免耳自陳無擇始發明之而其為三因極一方復語焉不詳李仲南為永類鈴方枝分派析詳矣而入理不精比附未確此書之所以作也曰五科皆備焉而獨名證治何也曰以言證治獨詳故也是書出而不知醫不能脉者因證檢書而得治法故也雖然大匠之所取平與直者準繩也而其能用準繩者心目明也倘守死句而求活人以準繩為心目則是書之刻且誤天下萬世而余之罪大矣家貧無貲假貸為之不能就其半

會侍御周鶴陽公以按饒行縣至金壇聞而助成之遂行于世時萬曆三十年歲次壬寅夏五月初旦念西居士王肯堂字泰識

欽定四庫全書

證治準繩
原序

證治準繩原序

欽定四庫全書

證治準繩卷一

明 王肯堂 撰

準繩

諸中門

卒中暴厥

經云暴病卒死皆屬于火。註云火性速疾故也。然初治之藥不寒而溫不降而升。甚若從治也。俗有中風中氣

欽定四庫全書

證治準繩

中食中寒中暑中濕中惡之別。但見卒然仆倒昏不知人或痰涎壅塞咽喉作聲。或口眼喎斜手足癱瘓。或半身不遂。或六脉沉伏。或指下浮盛者。並可用麻油薑汁竹瀝調蘇合香丸。如口噤挾開灌之。或用三生飲。一兩加人參一兩煎成。入竹瀝二三杯薑汁少許。如挾不開不可進藥。急以生半夏末吹入鼻中。或用細辛皂角醬蒲為末吹入得嚏則甦。此可以驗其受病深淺。則知其可治不可治。詳見中風門口噤條若口開手撒遺尿者虛極而

陽暴脫也。速用大料參芪接補之。及臍下大艾灸之。

欽定四庫全書

證治準繩

見者速服參芪膏灸臍下亦有得生者。卒中眼上戴不能視者。後第一椎骨第五椎上各七壯。一齊下火炷如半棗核大。若中人髮直吐清沫搖頭上攛面赤如粒汗綴如珠。或頭面赤黑眼閉口開氣喘遺尿皆不可治。諸中或未甦或已甦或初病或久病忽吐出紫紅色者死。傳心方云治男子婦人涎潮於心卒然中倒當即時扶入暖室中扶策正坐當面作好醋炭熏之。令醋氣衝入口鼻內良久其涎潮聚於心者自收歸舊輕

者即時甦醒重者亦省人事唯不可喫一滴湯水入喉也如喫湯水則其涎永繫于心絡不能去必成廢人風邪中人六脉多沉伏亦有脉隨氣奔指下洪盛者浮遲吉堅大急疾凶 浮遲為寒 虛大為暑不當暑則為虛 浮澀為濕 浮大為風浮數無熱亦為風 微而數浮而繁沉而遲皆氣中 風應人迎 氣應氣口 洪大為火 滑為痰 或浮而滑沉而滑微而虛者皆虛與痰 更當察時月氣候及其人之起居參以顯

欽定四庫全書

醫治準繩

三

症而定病之主名以施治療

中風

中後當如東垣法分中血脉中府中藏施治 靈樞經云虛邪偏客於身半其入深者內居榮衛榮衛稍衰則真氣去邪氣獨留發為偏枯故其邪氣淺者脉偏痛又云偏枯身偏不用而痛言不變志不亂病在分腠之間巨針取之蓋其不足損其有餘乃可復也痺之為病也身無痛者四肢不收志亂不甚其言微知可治甚則不能

言不可治也此內經論中風之淺深也其偏枯身偏痛而言不變志不亂者邪在分腠之間即仲景東垣所謂邪中府是也痺病無痛手足不收而言瘖志亂者邪入于裏即仲景東垣所謂邪中藏是也

中血脉外有六經之形症則以小續命湯加減及疎風湯治之 太陽經中風無汗惡寒于續命湯中加麻黃防風杏仁一倍針太陽經至陰出血崑崙舉蹠有汗惡風於續命湯中加桂枝芍藥杏仁一倍針風府 陽明

欽定四庫全書

醫治準繩

四

經中風無汗身熱不惡寒于續命湯中加石膏二兩知母二兩甘草一兩有汗身熱不惡風于續命湯中加葛根二兩桂枝黃芩各一倍針陷谷刺厲兌 太陰經中風無汗身涼于續命湯中加附子一倍乾薑加二兩甘草加三兩針隱白 少陰經中風有汗無熱于續命湯中加桂枝附子甘草各一倍針太谿 凡中風無此四證六經混淆繫於少陽厥陰或肢節掣痛或麻木不仁每續命八兩加羌活四兩連翹六兩刺厥陰之井大敦

以通其經灸少陽之經絕骨以引其熱

中府內有便溺之阻隔宜三化湯或局方中麻仁丸通利之

外無六經之形症內無便溺之阻隔知為血弱不能養筋故手足不能運動古強不能語言也宜大秦芫湯養血而筋自榮 若內外症俱有之先解表而後攻裏若內邪已除外邪已去當服愈風湯以行中道久服大風盡去縱有微邪只從愈風湯加減治之然治病之法不可失於通塞或一氣之微汗或一句之通利如此乃常治之法也久之清濁自分榮衛自和矣

欽定四庫全書

醫治平脈

中藏痰涎昏冒宜至寶丹活命金丹之類

若中血脈中府之病初不

宜用龍腦麝香牛黃為屬舌入脾治肉牛黃入肝治筋

龍腦入腎治骨恐引風深入骨髓如油入鮫臭之能出

中府者多兼中藏 如左關脈浮弦面目青左脉偏痛

筋脉拘急目睜頭目眩手足不收坐踞不得此中膽兼

中肝也犀角散之類

如左寸脉浮洪而赤汗多惡風

心神顛倒言語蹇澀舌強口乾忪悸恍惚此中小腸兼

中心也加味牛黃散之類 如右關脈浮緩或浮大而

唇黃汗多惡風口喝語澀身重怠惰嗜卧肌膚不仁皮

肉瞤動腹脹不食此中胃兼中脾也防風散之類 如

右寸脉浮濡而短鼻流清涕多喘胸中冒悶短氣自汗

聲嘶四肢痿弱此中大腸兼中肺也五味子湯之類

如左尺脉浮滑面目黧黑腰脊痛引小腹不能俛仰兩

耳虛鳴骨節疼痛足痿善恐此中膀胱兼中腎也獨活

散之類 治風之法解表攻裏行中道三法盡矣然不

欽定四庫全書

醫治平脈

可執也如小續命湯亦麻黃桂枝之變麻黃桂枝若不

施于冬月即病之傷寒而施于溫熱之症未有不殺人

者其可執乎 戴復菴云治風之法初得之即當順氣

及其久也即當活血久患風疾四物湯吞活絡丹愈者

正是此義若先不順氣遽用烏附又不活血徒用防風

大麻羌活輩吾未見其能治也然順氣之藥則可破氣

瀉氣之藥則不可 卒仆偏枯之症雖有多因未有不

因真氣不周而病者故黃芪為必用之君藥防風為必

用之臣藥黃芪助真氣者也防風載黃芪助真氣以周於身者也亦有治風之功焉許廣宗治王太后中風口噤煎二藥熏之而愈況服之乎 多怒加羚羊角 湯加葛根汁秦朮 口噤口喝亦加秦朮 恍惚錯語加茯神遠志 不得睡加炒酸棗仁 不能言加竹瀝荆瀝梨汁陳醬汁生葛汁人乳汁 內熱加梨汁人乳生地黃汁 痰多加竹瀝荆瀝少佐以薑汁 子每治此症用諸汁以收奇功為其行經絡滲分肉搜于湯散故

欽定四庫全書

醫治準繩

卷一

也 小便不利三因白散子加木通燈心茅根煎熱盛去附子 潔古云中風如小便不利不可以藥利之既已自汗則津液外亡小便自少若利之使榮衛枯竭無以制火煩熱愈甚當俟熱退汗止小便自行也 遺尿濃煎參芪湯少加益智子頻啜之 中風多食風木盛也盛則尅脾脾受敵求助於食經曰實則夢與虛則夢取當瀉肝木治風安脾脾安則食少是其效也 此其大略也仍分症詳著于後

痰涎壅盛 橘紅一斤逆流水五碗煮數滾去橘紅再煮至一碗頃服白湯導之吐痰之聖藥也 竹瀝荆瀝少佐薑汁加入二陳湯星香散中乃必用之藥 戴云肥人多中以氣盛于外而蔽于內也肺為氣出入之道人肥者必氣急氣急必肺邪盛肺金尅肝木膽為肝之府故痰涎壅盛所以治之必先理氣為急中後氣未盡順痰未盡降調理之劑唯當以藿香正氣散和星香散煎服此藥非特可以治中風之症中氣中惡藿亂尤宜

欽定四庫全書

醫治準繩

卷一

中後體虛有痰宜四君子湯和星香散或六君子湯和之 脉沉伏無熱者用三生飲加全蝎一個 養正丹可以墜下痰涎鎮安元氣氣實者以星香湯吞之氣虛者以六君子湯吞之 口噤 以蘇合香丸或天南星冰片末或白梅末擦牙以麝金黎蘆末搐鼻 以黃芪防風湯煎 針人中頰車各四分 白礬半兩鹽花一分細研指點牙根下更以半錢七綿裹安牙盡頭 用甘草比中指節截作

五截於麻油內浸過炭火上炙候油入甘草以物扶開牙關令咬定甘草可人行十里許時又換甘草一截後灌藥極效

口眼喎斜

經曰木不及曰委和委和之紀其動縲戾

拘緩又云厥陰所至為縲蓋縲縮短也木不及則金化

縮短來之以勝木之條達也戾者口目喎斜也拘者筋

脉拘強也木為金之縮短牽引而喎斜拘強也緩者筋

脉縱也木為金乘則土寡于畏故土兼化緩縱于其空

欽定四庫全書

醫治平風

七

隙而拘緩者自緩也故口目喎斜者多屬胃土然有筋脉之分焉經云足之陽明手之太陽筋急則口目為僻皆急不能卒視此胃土之筋為喎斜也又云胃足陽明之脉挾口環唇所生病者口喎唇斜此胃土之脉為喎斜也口目常動故風生焉耳鼻常靜故風息焉治宜清陽湯秦艽升麻湯或二方合用黃芪二錢人參當歸白芍藥各一錢甘草桂枝各五分升麻葛根秦艽各一錢白芷防風蘇木紅花酒黃藥各五分水酒各半煎稍熱

服初起有外感者加蓬蘽葱白三莖同煎取微汗第二服不用外以酒煮桂取汁一升以故布浸搨病上左

喎搨右右喎搨左筋急喎斜藥之可愈脉急喎斜非

灸不愈目斜灸承泣口喎灸地倉如未效于人迎頰車

灸之戴云中而口眼喎斜者先燒皂角烟熏之以逐

去外邪次燒乳香熏之以順其血脉

半身不遂經云胃脉沉鼓滿胃外鼓大心脉小堅急

皆鬲偏枯男子發左女子發右不瘡古轉可治三十日

欽定四庫全書

醫治平風

十

起其從者瘡三歲起年不滿二十者三歲死蓋胃與脾為表裏陰陽異位更實更虛更逆更從或從內或從外是故胃陽虛則內從于脾內從於脾則脾之陰盛故胃脉沉鼓滿也滿為多血少氣胃之陽盛則脾之陰虛虛則不得與陽主內反從其胃越出於部分之外故胃脉鼓大於臂外也大為多氣少血心者元陽君主宅之生血主脉因元陽不足陰寒乘之故心脉小堅急小者陽不足也堅急者陰寒之邪也夫如是心胃之三等脉凡

有其一即為偏枯者何也蓋心是天真神機開發之本胃是穀氣充大真氣之標標本相得則胸膈間之膻中氣海所留宗氣盈溢分布四藏三焦上下中外無不周徧若標本相失則不能致其氣于氣海而宗氣散矣故分布不周于經脉則偏枯不周于五藏則瘖即此言之是一條可為後之諸言偏枯者綱領也未有不因真氣不周而病者也故治療之方不用黃芪為君人參當歸白芍藥為臣防風桂枝釣藤竹瀝荆瀝薑汁韭汁葛汁梨汁乳汁之屬為之佐使而雜沓乎烏附羌獨之屬以涸榮而耗衛如此死者醫殺之也丹溪云大率多痰在左挾死血與無血在右挾氣虛與痰亦是無本杜撰之談不必拘之古方順風勻氣散虎骨散虎脰骨酒黃芪酒皆可外用蠶沙兩石分作三袋每袋可七斗蒸熱一袋著患處如冷再換一袋依前法數數換易百不禁瘖止須羊肚釀粳米蔥白薑椒鼓等煮爛熟日食一具十日止

失音不語素問云太陰所謂人中為瘖者陽盛已衰故為瘖也內奪而厥則為瘖痺此腎虛也少陰不至者厥也夫腎者藏精主下焦地道之生育故衛任二脉繫焉二脉與少陰腎之大絡同出腎下起于胞中其衝脉因稱胞絡為十二經脉之海遂名海馬衝脉之上行者滲諸陽灌諸精下行者滲三陽灌諸絡而溫肌肉別絡結於跗因腎虛而腎絡與胞絡內絕不通于上則瘖腎脉不上循喉嚨挾古本則不能言二絡不通于下則瘖厥矣如是者以地黃飲子主之竹瀝荆瀝大梨汁各三生葛汁人乳汁各二陳醬汁半和勻隔湯頓溫服有痰者滌痰湯內熱者涼膈散加石菖蒲達志為末煉蜜丸彈子大朱砂為衣每服一丸薄荷湯化下名轉舌膏寶鑑訶子湯正舌散茯神散四肢不舉有虛有實實者脾土太過瀉令濕退土平而愈虛者脾土不足十全散加減去邪留正詳見身體疼痛鐵彈丸十味剉散內有熱藥無熱者宜之齶痺湯

昏冒 活命金丹 至寶丹 至聖保命金丹 牛

黃清心丸 中風要分陰陽 陰中顏青臉白痰厥喘

塞昏亂眩暈喝斜不遂或手足厥冷不知人多汗 陽

中臉赤如醉怒牙關緊急上視強直掉眩素問云諸風

掉眩支痛強直筋縮為厥陰風木之氣自大寒至小滿

風木君火二氣之位風主動善行數變木旺生火風火

屬陽多為兼化且陽明燥金主于緊斂縮動風木為病

反見燥金之化由亢則害承乃制謂已過極則反似勝

欽定四庫全書 醫治準繩 卷一

已之化故木極似金況風能勝濕而為燥風病勢甚而

成筋縮燥之甚也

有熱盛生風而為卒仆偏枯者以桂麻烏附投之則殆

當以河間法治之紺珠經云以火為本以風為標心火

暴甚腎水必衰肺金既摧肝木自旺治法先以降心火

為主或清心湯或瀉心湯大作劑料服之心火降則肝

木自平矣次以防風通聖散汗之或大便閉塞者三化

湯下之內邪已除外邪已盡當以羌活愈風湯常服之

宣其氣血導其經絡病自已矣或舌塞不語者轉舌膏

或活命金丹以治之此聖人心法也或有中風使牙關

緊急漿粥不入急以三一承氣湯灌于鼻中待藥下則

口自開矣然後按法治之

有元氣素弱或過于勞役或傷于嗜欲而卒然厥仆狀

類中風者手必散口必開非大劑參芪用至斤許豈能

回元氣于無何有之鄉哉亦有不仆而但古強語澀痰

壅口眼喝斜肢體不遂者作中風治必殆以六君子湯

欽定四庫全書 醫治準繩 卷一

加諸汁治之 寶鑑云凡人初覺大指次指麻木不仁

或不用者三年內有中風之疾也宜先服愈風湯天麻

丸各一料此治未病之法也薛已云預防之理當養氣

血節飲食戒七情遠帷幙可也若服前方以預防適所

以招風取中也

中寒

中寒之症身體強直口噤不語或四肢戰掉或洒洒惡

寒或翕翕發熱或卒然眩暈身無汗者此寒毒所中也

其異于傷寒何也曰傷寒發熱而中寒不發熱也仲景于傷寒詳之而中寒不成熟者未之及何也曰陽動陰靜動則變生靜則不變寒雖陰邪既鬱而成熱遂從乎陽動傳變不一靡有定方故極推其所之之病不得不詳也其不成熟者則是邪中于陰形之中一定而不移不移則不變不變則止在所中寒處而生病是故略而不必詳也治之先用酒調蘇合香丸輕則五積散加香附一錢麝香少許重則用薑附湯若人漸甦身體回暖

欽定四庫全書

醫治平脈

五

稍能言語須更問其別有何證寒脉遲緊挾氣帶洪攻刺作痛附子理中湯加木香半錢挾風帶浮眩暈不仁加防風一錢挾濕帶濡腫滿疼痛加白朮一錢筋脉牽急加木瓜一錢肢節疼痛加桂一錢亦可灸丹田穴以多為妙大抵中在皮膚則為浮中在肉則為苛為重為聚液分裂而痛或痛在四肢或痛在胸脇或痛在脛背或痛在小腹引羣或經脉引注藏府之膜原為心腹痛或注連于藏府則痛死不知人中于筋骨為筋掣骨痛

屈伸不利中入六府五藏則仲景迷在金匱要畧中所以肺中寒者吐濁涕肝中寒者兩臂不能舉古本燥喜太息胸中痛而不得轉側則吐而汗出也心中寒者其人若心中如噉蒜狀劇者心痛徹背背痛徹心譬如蟻注其脉浮者自吐乃愈不言脾腎二藏中寒者缺文也然所謂中藏者乃中五藏所居畔界之郭內阻隔其經藏氣不得出入故病若真中藏則死矣 永類鈴方云肝中寒其脉人迎并左關緊而弦其証惡寒發熱面赤

欽定四庫全書

醫治平脈

五

如有汗胸中煩脇下掣急足不得伸 心中寒者其脉人迎并左寸緊而洪其証如噉韭薺甚則心痛掣背惡寒四肢厥自吐昏塞不省 脾中寒其脉人迎并右關緊而沉其証心腹脹四肢掣急噉噉不通藏氣不傳或秘或泄 肺中寒其脉人迎并右寸緊而濇其証善吐濁氣短不能報息洒洒而寒吸吸而咳 腎中寒其脉人迎并左尺緊而滑其証色黑氣弱吸吸少氣耳聾腰痛膝下拘痠昏不知人 治當審微甚甚則以薑附湯

為主微則不換金正氣散加附子附子五積散臍腹痛四肢厥附子理中湯薑附湯入肝加木瓜入肺加桑白皮入脾加木入心加茯苓

中暑 史參傷暑門

中暑之症面垢悶倒昏不知人冷汗自出手足微冷或吐或瀉或喘或滿以來復丹末同蘇合香丸用湯調灌或以來復丹研末湯調灌之却暑散水調灌下亦得候其人稍甦則用香薷飲香薷湯煎熱去渣入麝香少許

欽定四庫全書

雜治準繩

卷一

服或剝蒜肉入鼻中或研蒜水解灌之蓋中傷暑毒陽外陰內諸暑藥多有暖劑如大順之用薑桂枳杷葉散之用丁香香薷飲之用香薷香薷味辛性暖薑亦辛暖又蒜氣臭烈能通諸竅大概極臭極香之物皆能通竅故也 熱死人切勿便與冷物及卧冷地正如凍死人須先與冷水若遽近火即死一法行路暈死人惟得置日中或令近火以熱湯灌之即活 初覺中暑即以日晒瓦或布蘸熱湯更易熨其心腹臍下急以二氣丹末

湯調灌下 一方用不蛀皂角不拘多少刮去黑皮燒

烟欲盡用盆合於地上周圍勿令透烟每用皂角灰一兩甘草末六錢和勻每服一錢新汲水調下氣虛人溫漿水調下昏迷不省者不過兩服蓋中暑人痰塞關竅皂角能疎利去痰故也 又有暑途一證似中而輕欲睡嬾語實人香薷飲加黃連一錢虛人呈香飲加香薷一錢甦後冷汗不止手足尚逆煩悶多渴者宜香薷飲甦後為醫者過投冷劑致吐利不止外熱內寒煩躁多

欽定四庫全書

雜治準繩

卷一

渴甚欲裸形狀如傷寒陰盛格陽宜用溫藥香薷飲加附子浸冷服渴者縮脾飲加附子亦浸冷服

東垣云靜而得之謂之中暑中暑者陰證當發散也或避暑熱納涼于深堂大廈得之者名曰中暑其病必頭痛惡寒身形俱急肢節疼痛而煩心肌膚大熱無汗為房室之陰寒所遏使周身陽氣不得發越世多以大順散主之是也動而得之為中熱中熱者陽證為熱傷元氣非形體受病也若行人或農夫于日中勞役得之者

名曰中熱其病必苦頭疼發躁熱惡熱捫之肌膚大熱必大渴引飲汗大泄無氣以動乃為中熱外傷肺氣蒼朮白虎湯主之 薛氏云若人元氣不足用前藥不應宜補中益氣湯主之大抵夏月陽氣浮于外陰氣伏于內若人飲食勞倦內傷中氣或酷暑勞役外傷陽氣者多患之法當調補元氣為主而佐以解暑若中暑者乃陰寒之症法當補陽氣為主少佐以解暑故先哲多用附子薑桂附子之類此推內經捨時從證之良法也今

欽定四庫全書

雜治平脈

中濕

參看傷濕門

風寒暑濕皆能中人惟濕氣積久留滯關節故能中非如風寒暑之有暴中也中濕之證關節重痛浮腫喘滿腹脹煩悶昏不知人其脉必沉而緩或沉而微細宜除

濕湯白朮酒 有破傷處因漂浴濕氣從瘡口中入其人昏迷沉重狀類中濕名曰破傷濕宜白朮酒

中氣

中氣因七情內傷氣逆為病痰潮昏塞牙關緊急七情皆能為中因怒而中者尤多大畧與中風相似風與氣亦自難辨風中身溫氣中身冷風中多痰涎氣中無痰涎風中脉浮應人迎氣中脉沉應氣口以氣藥治風則可以風藥治氣則不可纔覺中氣急以蘇合香丸灌之

欽定四庫全書

雜治平脈

中食

中食之證忽然厥逆昏迷口不能言肢不能舉狀似中風皆因飲食過傷醉飽之後或感風寒或著氣惱以致填塞胸中胃氣有所不行陰陽痞隔升降不通此內傷